



Broj: 16-12-16-8259- 10 /17  
I. Sarajevo, 18. 11. 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g), i člana 70. st. (1), (2), (5) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-8259/17 od 04.01.2018. godine, u postupku javne nabavke kompjuterskog materijala tonera i ketridža za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## ODLUKU

o izboru najpovoljnijeg ponuđača u otvorenom postupku javne nabavke kompjuterskog materijala tonera i ketridža za potrebe Državne agencije za istrage i zaštitu

### Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-8259/17 od 04.01.2018. godine i ugovor u postupku javne nabavke kompjuterskog materijala tonera i ketridža za potrebe Državne agencije za istrage i zaštitu, dodjeljuje i to za:

- LOT 1- Nabavka tonera i ketridža za uređaje marke HP, OKI, Canon, Brother i Toshiba, ponuđaču „ALF-OM“ d.o.o. Banja Luka, ponuda broj 16-12-16-8259-4/17 od 01.12.2017. godine, za ponuđenu cijenu od 55.000,00 KM bez uračunatog PDV-a i

- LOT 2- Nabavka tonera i ketridža za uređaje marke Lexmark, ponuđaču „DEFTER“ d.o.o. Sarajevo, ponuda broj 16-12-16-8259-8/17 od 04.12.2017. godine, za ponuđenu cijenu od 54.000,00 KM bez uračunatog PDV-a.

### Član 2.

(1) Ponuđači „ALF-OM“ d.o.o. Banja Luka i „DEFTER“ d.o.o. Sarajevo, obavezni su ugovornom organu dostaviti dokaz o ispunjavanju uslova iz tač. 12.1. i 13.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

## Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

## Član 5.

Ova odluka stupa na snagu danom donošenja.

### O b r a z l o ž e n j e

Postupak javne nabavke kompjuterskog materijala tonera i ketridža za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-8259-1/17 od 02.11.2017. godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-729-3-68/17 od 14.11.2017. godine i u „Službenom glasniku BiH“ broj 83/17. Procijenjena vrijednost javne nabavke je ukupno 120.000,00 KM bez uračunatog PDV-a, za period od tri godine, a za šta su novčana sredstva predviđena u okviru budžetskih sredstava za 2017. godinu i Dokumenta okvirnog budžeta 2018.- 2020. godina. Predmet javne nabavke podijeljen je na lotove i to:

- LOT 1- Nabavka tonera i ketridža za uređaje marke HP, OKI, Canon, Brother i Toshiba, procijenjene vrijednosti 60.000,00 KM bez uračunatog PDV-a i

- LOT 2- Nabavka tonera i ketridža za uređaje marke Lexmark, procijenjene vrijednosti 60.000,00 KM bez uračunatog PDV-a.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija II za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-8259/17 od 04.01.2018. godine sa preporukom o izboru najpovoljnijeg ponuđača u postupku javne nabavke kompjuterskog materijala tonera i ketridža za potrebe Agencije.

Obzirom da je tačkom 23. Tenderske dokumentacije navedeno da je rok za dostavljanje ponuda 04.12.2017. godine do 12,00 sati, te da se ponude dostavljaju u zatvorenoj koverti, Komisija je dana 04.12.2017. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno pet ponuda i to:

RB	Naziv ponuđača	LOT	Ukupna vrijednost kompjuterskog materijala tonera i ketridža bez PDV-a
1.	„ALF-OM“ d.o.o. Banja Luka	LOT 1	58.196,60 KM
2.	„KMC“ d.o.o. Banja Luka	LOT 1	59.967,87 KM
		LOT 2	58.823,51 KM
3.	„N-COPY“ d.o.o. Bijeljina	LOT 1	58.560,60 KM
4.	„PRINTEX“ d.o.o. Sarajevo	LOT 1	100.239,65 KM
		LOT 2	84.461,23 KM
5.	„DEFTER“ d.o.o. Sarajevo	LOT 2	62.018,60 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „ALF-OM“ d.o.o. Banja Luka za LOT 1, „KMC“ d.o.o. Banja Luka za LOT 1 i LOT 2, „N-COPY“ d.o.o. Bijeljina za LOT 1, „PRINTEX“ d.o.o. Sarajevo za LOT 1 i LOT 2 i „DEFTER“ d.o.o. Sarajevo za LOT 2, ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji, te da ne podliježu primjeni preferencijalnog tretmana domaćeg.

Budući da je Tenderskom dokumentacijom za postupak javne nabavke kompjuterskog materijala tonera i ketridža za potrebe Agencije predviđeno provođenje e-aukcije, imajući u vidu da je zaprimljeno pet prihvatljivih ponuda, Komisija je dana 25.12.2017. godine sačinila Zapisnik o ocjeni prihvatljivosti ponuda i zakazala e-aukciju dana 28.12.2017. godine za LOT 1 u 10,00 sati u trajanju od 15 minuta i za LOT 2 u 10,45 sati u trajanju od 15 minuta.

Prema Izvještaju o toku i završetku e-aukcije od 28.12.2017. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

RB	Naziv ponuđača	LOT 1	Ukupna vrijednost kompjuterskog materijala tonera i ketridža bez PDV-a
1.	„ALF-OM“ d.o.o. Banja Luka	LOT 1	55.000,00 KM
2.	„N-COPY“ d.o.o. Bijeljina	LOT 1	55.140,00 KM
3.	„KMC“ d.o.o. Banja Luka	LOT 1	59.967,87 KM
4.	„PRINTEX“ d.o.o. Sarajevo	LOT 1	100.239,65 KM

Prema Izvještaju o toku i završetku e-aukcije od 28.12.2017. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

RB	Naziv ponuđača	LOT 2	Ukupna vrijednost kompjuterskog materijala tonera i ketridža bez PDV-a
1.	„DEFTER“ d.o.o. Sarajevo	LOT 2	54.000,00 KM
2.	„KMC“ d.o.o. Banja Luka	LOT 2	54.900,00 KM
3.	„PRINTEX“ d.o.o. Sarajevo	LOT 2	84.461,23 KM

Nakon provedenog postupka e-aukcije, shodno Izvještajima o toku i završetku e-aukcije od 28.12.2017. godine za LOT 1 i LOT 2, Komisija je utvrdila da je ponuda ponuđača „ALF-OM“ d.o.o. Banja Luka ocijenjena kao najpovoljnija ponuda za LOT 1, dok je ponuda ponuđača „DEFTER“ d.o.o. Sarajevo ocijenjena kao najpovoljnija ponuda za LOT 2, te da iste ne premašuju procijenjenu vrijednost javne nabavke za navedene lotove iz tačke I odluke.

Shodno navedenom, prihvaćen je prijedlog Komisije i odlučeno da se okvirni sporazum u postupku javne nabavke kompjuterskog materijala tonera i ketridža za potrebe Agencije, za period od tri godine, dodijeli ponuđaču „ALF-OM“ d.o.o. Banja Luka za LOT 1 i ponuđaču „DEFTER“ d.o.o. Sarajevo za LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 5x,
- Sektoru za mat.-fin. poslove,
- a/a.

DIREKTOR  
GLAVNI GENERALNI INSPEKTOR POLICIJE

Perica Stanić

